

Мал қорымдарының (биотермиялық шұңқырлардың) тізілімін жүргізу қағидаларын бекіту туралы

Қазақстан Республикасы Ауыл шаруашылығы министрінің 2020 жылғы 3 ақпандағы № 35 бұйрығы. Қазақстан Республикасының Әділет министрлігінде 2020 жылғы 6 ақпанда № 19987 болып тіркелді.

"Ветеринария туралы" Қазақстан Республикасы Заңының 8-бабы 46-29) тармақшасына және "Мемлекеттік статистика туралы" Қазақстан Республикасы Заңының 16-бабы 3-тармағының 2) тармақшасына сәйкес **БҰЙЫРАМЫН:**

Ескерту. Кіріспе жаңа редакцияда - ҚР Ауыл шаруашылығы министрінің м.а. 02.12.2024 № 388 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

1. Қоса беріліп отырған Мал қорымдарының (биотермиялық шұңқырлардың) тізілімін жүргізу қағидалары бекітілсін.

2. Қазақстан Республикасы Ауыл шаруашылығы министрлігі Ветеринариялық, фитосанитариялық және тамақ қауіпсіздігі департаменті заңнамада белгіленген тәртіппен:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрық ресми жарияланғаннан кейін оның Қазақстан Республикасы Ауыл шаруашылығы министрлігінің интернет-ресурсында орналастырылуын қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Ауыл шаруашылығы вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасының
Ауыл шаруашылығы министрі

С. Омаров

"КЕЛІСІЛДІ"

Қазақстан Республикасы
Ұлттық экономика министрлігі
Статистика комитеті

Қазақстан Республикасы
Ауыл шаруашылығы
министрінің
2020 жылғы 3 ақпандағы
№ 35 бұйрығымен бекітілген

Мал қорымдарының (биотермиялық шұңқырлардың) тізілімін жүргізу қағидалары

1–тарау. Жалпы ережелер

1. Осы Мал қорымдарының (биотермиялық шұңқырлардың) тізілімін жүргізу қағидалары (бұдан әрі – Қағидалар) "Ветеринария туралы" Қазақстан Республикасы Заңының 8-бабы 46-29) тармақшасына, "Мемлекеттік статистика туралы" Қазақстан Республикасы Заңының 16-бабы 3-тармағының 2) тармақшасына сәйкес әзірленді және мал қорымдарының (биотермиялық шұңқырлардың) тізілімін жүргізу тәртібін айқындайды.

Ескерту. 1-тармақ жаңа редакцияда - ҚР Ауыл шаруашылығы министрінің м.а. 02.12.2024 № 388 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

2. Мал қорымдарының (биотермиялық шұңқырлардың) тізілімін (бұдан әрі – Тізілім) облыстардың, республикалық маңызы бар қалалардың, астананың жергілікті атқарушы органдары ұсынатын деректердің (мәліметтердің) негізінде осы Қағидаларға қосымшаға сәйкес нысан бойынша ветеринария саласындағы уәкілетті органның ведомствосы (бұдан әрі – Ведомство) жүргізеді.

Тізілімде объектінің орналасқан жерінің (тұрған жерінің) әкімшілік-аумақтық бірлігі (облыс, республикалық маңызы бар қала, астана, аудан, облыстық маңызы бар қала, ауылдық округ, елді мекен және басқалар), ағымдағы жай-күйі (жұмыс істейді немесе жұмыс істемейді), координаттары, түрі, мөлшері, объектінің баланс ұстаушысы (меншік иесі) көрсетіле отырып, мал қорымдары (биотермиялық шұңқырлар), сібір жарасы көмінділері туралы деректер (мәліметтер) көрсетіледі.

2-тарау. Мал қорымдарының (биотермиялық шұңқырлардың) тізілімін жүргізу тәртібі

3. Аудандардың, облыстық маңызы бар қалалардың жергілікті атқарушы органдары облыстардың жергілікті атқарушы органдарына осы Қағидаларға қосымшаға сәйкес нысан бойынша Тізілімге енгізу үшін мал қорымдары (биотермиялық шұңқырлар) туралы деректерді (мәліметтерді) ұсынады.

4. Облыстардың жергілікті атқарушы органдары мал қорымдары (биотермиялық шұңқырлар) туралы деректерді (мәліметтерді) талдайды және жинақтайды.

5. Облыстардың, республикалық маңызы бар қалалардың, астананың жергілікті атқарушы органдары 10 жұмыс күні ішінде Ведомствоға Тізілімде қамтылған объектілер туралы деректердің (мәліметтердің) қалыптастырылуына, енгізілуіне, түзетілуіне, жаңа объектілердің салынуына, табылуына қарай тиісті деректер (мәліметтер) жібереді.

6. Ведомство мал қорымдарына әріптерден және цифрлық символдардан (символдар бір-бірімен қиғаш сызықпен бөлінеді) тұратын нөмір бере отырып

Әкімшілік-аумақтық бірліктер бөлінісінде мал қорымдары (биотермиялық шұңқырлар) туралы деректерді (мәліметтерді) Тізілімге енгізеді:

бірінші символ – облыстың, республикалық маңызы бар қаланың, астананың литерлік коды;

екінші және үшінші символдар – ауданның (облыстық маңызы бар қаланың) реттік нөмірі;

төртінші-сегізінші символдар – Тізілімдегі реттік нөмір (облыс, республикалық маңызы бар қала, астана бойынша).

Облыстың, республикалық маңызы бар қаланың, астананың литерлік коды, ауданның (облыстық маңызы бар қаланың) реттік нөмірі Қазақстан Республикасы Ауыл шаруашылығы министрінің 2015 жылғы 23 қаңтардағы № 7-1/37 бұйрығымен (Нормативтік құқықтық актілерді мемлекеттік тіркеу тізілімінде № 10466 болып тіркелген) бекітілген Жануарлар өсіруді, жануарларды, жануарлардан алынатын өнім мен шикізатты дайындауды (союды), сақтауды, қайта өңдеуді және өткізуді жүзеге асыратын өндіріс объектілеріне, сондай-ақ ветеринариялық препараттарды, жемшөп пен жемшөп қоспаларын өндіру, сақтау және өткізу жөніндегі ұйымдарға есептік нөмірлер беру қағидаларына 7-қосымшаға сәйкес енгізіледі.

Республикалық маңызы бар қалаларда, астанада мал қорымдарын (биотермиялық шұңқырларды) нөмірлеу кезінде екінші және үшінші символдарда нөлдер көрсетіледі.

Ескерту. 6-тармақ жаңа редакцияда - ҚР Ауыл шаруашылығы министрінің м.а. 02.12.2024 № 388 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

7. Ведомство Тізілімді облыстардың, республикалық маңызы бар қалалардың, астананың жергілікті атқарушы органдарына және Ведомствоның тиісті аумақтық бөлімшелеріне жібереді.

Мал қорымдарының
(биотермиялық шұңқырлардың)
тізілімін жүргізу қағидаларына
қосымша

Ескерту. Қосымша жаңа редакцияда - ҚР Ауыл шаруашылығы министрінің м.а. 02.12.2024 № 388 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

Әкімшілік деректерді жинауға арналған нысан

Ұсынылады: Қазақстан Республикасы Ауыл шаруашылығы министрлігінің Ветеринариялық бақылау және қадағалау комитетіне

Әкімшілік деректердің нысаны www.gov.kz интернет-ресурста орналастырылған

Мал қорымдарының (биотермиялық шұңқырлардың) тізілімі

р/с №	Облыстың, ауданның, ауылдық округтің атауы	Сібір жарасы көмінділерінің нөмірі	Топырақтың және өсімдіктің сипаты	Сібір жарасы көмінділерінің көлемі (алаңы) (шаршы метрлер)	Координаттары		объектінің сипаттамасы			Баланс ұстаушы (меншік иесі)
					солтүстік ендік	шығыс бойлық	қоршау	айырым белгілері	мемлекеттік жер кадастрының ақпараттық жүйесінде енгізілді	
1	2	3	4	5	6	7	8	9	10	11
1										
2										
Жиыны:										

Ескертпе:

"Мал қорымдарының (биотермиялық шұңқырлардың) тізілімі" әкімшілік деректерді жинауға арналған нысанды толтыру бойынша түсініктеме осы нысанның қосымшасында келтірілген

Атауы _____ Мекенжайы _____

Телефоны _____

Электрондық почтаның мекенжайы _____

Орындаушы _____

(аты және әкесінің аты (бар болса), тегі) _____ қолы, телефоны

Басшы немесе оның міндетін атқарушы адам

_____ аты және әкесінің аты (бар болса), тегі

_____ қолы

Мөрдің орны

"Мал қорымдарының
(биотермиялық шұңқырлардың)
тізілімі" әкімшілік деректерді
жинауға арналған нысанға
қосымша

"Мал қорымдарының (биотермиялық шұңқырлардың) тізілімі" әкімшілік деректерді жинауға арналған нысанды толтыру бойынша түсіндірме (индексі: 1-см, кезеңділігі: тоқсан сайын)

1-тарау. Жалпы ережелер

1. Осы түсіндірме "Мал қорымдарының (биотермиялық шұңқырлардың) тізілімі" әкімшілік деректерді жинауға арналған нысанды (бұдан әрі – Нысан) толтыру бойынша бірыңғай талаптарды айқындайды.

2. Нысанға басшы не тегі мен аты-жөнін көрсете отырып оның міндетін атқаратын адам қол қояды.

3. Нысан мемлекеттік және орыс тілдерінде толтырылады.

2-тарау. Нысанды толтыру бойынша түсіндірме

4. 1-бөлімнің 1-бағанында реттік нөмірі көрсетіледі.

5. 1-бөлімнің 2-бағанында Әкімшілік-аумақтық объектілер сыныптауышына (ӘАОС) сәйкес облыстың, ауданның, ауылдық округтің атауы көрсетіледі.

6. 1-бөлімнің 3-бағанында есепті кезеңдегі мал қорымының (биотермиялық шұңқырдың) нөмірі көрсетіледі.

7. 1-бөлімнің 4-бағанында мал қорымының (биотермиялық шұңқырдың) типі көрсетіледі.

8. 1-бөлімнің 5-бағанында мал қорымының (биотермиялық шұңқырдың) көлемі (шаршы метрлер) көрсетіледі.

9. 1-бөлімнің 6 және 7-бағандарында координаттар (ендік, бойлық) көрсетіледі.

10. 1-бөлімнің 8-бағанында мал қорымының (биотермиялық шұңқырдың) ағымдағы жай-күйі көрсетіледі.

11. 1-бөлімнің 9-бағанында мал қорымының (биотермиялық шұңқырдың) баланс ұстаушысы көрсетіледі.

12. 2-бөлімнің 1-бағанында реттік нөмірі көрсетіледі.

13. 2-бөлімнің 2-бағанында Әкімшілік-аумақтық объектілер сыныптауышына (ӘАОС) сәйкес облыстың, ауданның, ауылдық округтің атауы көрсетіледі.

14. 2-бөлімнің 3-бағанында есепті кезеңдегі сібір жарасы көмінділерінің нөмірі көрсетіледі.

15. 2-бөлімнің 4-бағанында топырақ пен өсімдіктердің сипаты көрсетіледі.

16. 2-бөлімнің 5-бағанында сібір жарасы көмінділерінің көлемі (шаршы метрлер) көрсетіледі.

17. 2-бөлімнің 6 және 7-бағандарында координаттар (ендік, бойлық) көрсетіледі.

18. 2-бөлімнің 8, 9 және 10-бағандарында сібір жарасы көмінділерінің сипаттамасы (қоршау, айырым белгілері, мемлекеттік жер кадастрының ақпараттық жүйесіне енгізу) көрсетіледі.

19. 2-бөлімнің 11-бағанында сібір жарасы көмінділерінің баланс ұстаушысы көрсетіледі.